

**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non  
peraguntur, ves fusiore indigent explicatione, quomodo cum majori fructu  
peragi possint

**Limpens, Ferdinand**

**Coloniæ Agrippinæ, 1744**

3tia Visitatio Sanctissimi. Actus Caritatis.

---

---

**Nutzungsbedingungen**

[urn:nbn:de:hbz:466:1-54780](#)

te invocavi, & toties in tanto æternūm pereundi periculo : non fieri id profectò. *In te Domine speravi, non confundar in aeternum.* Ps. 30. Beneficia præterita tot alia, & tam peculiaria N.N. pignus mihi sunt futurorum. Et gratia, quam mihi largitus es, nunc mihi pignus est gloriæ, quam mihi largieris.

4. Si sub ultimum hoc tempus infernus omni catenâ solatus in me irruat, & inimici mei multiplicentur millies, quid nocere mihi poterunt, si protegari à te ? confidunt illi in suis viribus, in suis fraudibus. Ego verò in nomine tuo Domine. *Pone me juxta te, & cujusvis manus pugnet contra me.* Job. 17.

5. Omnia peccata mea colligo, & submergo in sanguine tuo Domine. Et protestor, quod ad ultima usque suspiria mea hoc in te sperandi obsequium præstare tibi velim. Quia gloria hæc tua est extrinseca, si videas, quod omnium maximè miserrimus in te confidat. *Ego autem semper sperabo, & adjiciam super omnem laudem tuam.* Ps. 70.

*Actus Visitatio Sanctissimi.**Actus Caritatis.*

1. O Deus animæ meæ ! quia infinitè bonus, infinitè sanctus, & infinitè dignus es amari, amo te, & æstimo te super omnia. Et ut omnes cognoscant id esse verum. Ecce obviam morti libenter eo, & executionem SS. voluntatis tuæ mille virtutis præfero. Ut cognoscat

mundus, quia diligo Patrem, surgite. Eamus hinc. Joan. 14. Eja anima mea eamus, & corporis rationem non habeamus. Melior est misericordia Dei super vitas. Ps. 62.

2. Domine, si pro mercede servirem tibi, nunquid injuriam tibi facerem? quia dona tua pluris facerem quam te. Protektor igitur, quod per infinita saecula servire tibi vellem, etiam si nihil mihi reddere velles. Libenter nunc vendi finem facio, ut finem te offendendi faciam. Initialem equidem dilectionem, quae spei, quatenus desiderii actus est, non negligo, cum & supernaturalis & meritorius esse possit. Sic tamen constitutus esse volo, &, ut spero, cum tuâ gratiâ jam actu & re ipsâ sum. Quod, si nullam aeterni premii mercedem dares, idem tamen te amarem unicè, quia ut summum in te bonum mereris amari.

3. Quemadmodum ardenter te facie ad faciem in celo videre desidero o summum bonum meum ob nihil aliud, quam ut te aeternam amare queam. Ita de reliquo celum mihi in hac misericordiarum valle est, te habere mihi amicum. Sicut infernus meus etiam in paradyso deliciarum esset, te habere mihi offensum.

4. O quam libenter ex hoc mundo discederem, si viderem omnes homines in terram prostratos, ut te Domine agnoscant & adorent. Auge obsecro regnum tuum, & dilata gloriam tuam. Omnis terra adoret te, & psallat tibi. Ps. 65. Gaudeo, quod in terris relinquam tot animas justas, quae te amant. Et multò magis

gau-

gaudeo, quod in caelo sim inventurus innumeratas alias, quae sine intermissione te aeternum amabunt. Atque hoc inter dolores mortis & morbi solatiorum meorum est maximum.

5. Quoniam verò tu mi Deus præcepisti mihi, ut unā tecum & proximum meum amem, pro tam dulci præcepto demississimas tibi gratias ago. Et sub ultimum hunc obitum meum totis viribus cordis mei amplector omnes & sanguinos proximos meos, illosque tibi omnes commendando, & rogo: ut iis omne bonum impertiari. Quia sunt creaturæ tuæ, imagines tuæ, & hereditas tua. Et quia tu ipse illos amas, & vis, ut & ego eos amem. Singulariter verò omnes illos amo, qui me offenderunt, illisque tam sincero ex corde ignosco, quam desidero, ut & mihi tu ignoscas, atque in unione caritatis illius, quam ipse in Cruce orasti pro inimicis tuis, etiam ego in hoc mortis lectulo te oro, ut iis, qui me offenderunt, tantundem imò decuplo plus boni conferas, quantundem illi mihi vel intulerunt, vel desiderarunt mali.

*4ta Visitatio Sanctissimi.*

*Actus Contritionis.*

I. **O** Immutabile bonum! ô infinita Majestas! quantus paulò post erit pudor meus, cùm ante te comparendum erit. Tum enim verò intelligam, quantam tibi injuriā intuletim in vita mea, dum te vilissimis creaturis toutes postposui. Sentire nunc cuperem illum de